

2

中醫指導錄

中國近代
中醫藥
期刊彙編

第四輯

2

中國近代

中醫集

期刊彙編

中國近代
中醫藥
期刊彙編

第四輯

2

中醫指導錄

上海辭書出版社



南京中医药大学图书馆版权所有

費去極少
之金錢
收獲無窮
之利益
無妨職業
之牽制
能得名醫
之指導
欲求醫學
之疑問
盡有滿意
之解決

社導指醫中入加有惟

寄即索函書社入章詳半元一年每費社

址地文英社本

The Chinese Medical Society.

No. 194 Zan Veng Road,

SLittle west gate

Shanghai China.

中醫指導錄價目

每月一冊

全年十二冊

零售每冊六分

全年大洋七角

郵費每份加一

○ ○ ○ ○ ○ ○ ○ ○ ○ ○

凡加入本社為社員者。每年祇

收大洋一元五角。除發給證書。

贈閱本刊外。並得享受隨時詢

問之利益。以示優待。而實踐本

社發起之宗旨。

◀ 號四九一路文尚門西小海上址社 ▶

目 錄

中醫指導錄	第二卷第十八期	1
中醫指導錄	第二卷第十九期	33
中醫指導錄	第二卷第二十期	65
中醫指導錄	第二卷第二十一期	93
中醫指導錄	第二卷第二十二期	125
中醫指導錄	第二卷第二十三期	157
中醫指導錄	第二卷第二十四期	189
中醫指導錄	第二卷第二十五期	221
中醫指導錄	第二卷第二十六期	253

中醫指導錄	第三卷第二十七期		285
中醫指導錄	第三卷第二十八期		317
中醫指導錄	第三卷第二十九期		349
中醫指導錄	第三卷第三十期		381
中醫指導錄	第三卷第三十一期		413
中醫指導錄	第三卷第三十二期		445



中醫指導社編輯

十二月一十
第二卷第十八期

內容提要
各科研究法
醫案新輯
醫問類釋
醫藥論文
苔岑錄
病機研究

本社承

張籥雲大律師允任義務常年法律顧問一切利權法益當爲保障特此佈告藉表謝忱
事務所上海甯波路四十號三樓二〇七號

【本社啓事五】

本社素重信用。出版月刊。從未脫期。近來因各地水災。郵政不免停滯。如有屆期未接到者。務請稍待數日。不必函催。以免重寄。又嗣後對於通信地址。務請書寫端正。以免發行者抄錯。而致發生郵遞退回之弊。

【本社啓事六】

本社規定通信治療。須另納手續費一元。而近來往往有空函詢問。在本社雖以關係重大。破例答覆。而輕淺者。不免留在月刊上發表。乃又催函登頒。實難處理。嗣後至希照章辦理。是禱。蓋當事者無不願求社員之滿意。而事實上之困難。亦應請社友諒察也。

(1) 錄 導 指 醫 中

國難迫急——中醫界應一致覺悟救護

日仇暴橫——中醫界應一致努力抵抗

嗚呼。暴日入寇。侵略東北。踞我土地。焚我廬舍。戮我官民。繳我軍械。將數百年積成之精華。燬盡靡遺。尤復野心不戢。窺我腹地。種種暴虐行爲。簡直目無國權。心無公法。舉凡字典中所有之凶殘狠惡等名詞。一一加諸其身。不足以狀其罪。而在此迫急存亡之秋。決非集合全國同胞。共起奮鬥。不足以催其凶惡。卽不足以保我家國。中醫界宿以發揚國光。保存國粹爲主旨。目覩此祖國淪喪之際。尤屬義憤填胸。痛心懷恨。上海市國醫公會已決議會員一致警備。並令中國醫學院學生會努力宣傳。加緊軍事訓練。本社今更提出兩點。爲全國醫藥界告。

一 永遠不用日產藥物——年來日產藥物充斥市間。商店中有因其價廉。不顧性味之不同。更不顧金錢之外溢。相率採用。今後應一律排斥。

中 醫 指 導 錄 (2)

一永遠不將中藥販日——日本以藥物售諸我國。一方面乃市中藥以歸提鍊爲精。復醫諸我。遂使國產恐慌。經濟損失。今後應一律禁止。

以上兩點。事極易行。而足使日仇受絕大之打擊。吾嘗謂西醫祇知訾議中醫。而不能自己發明。非特不能發明。卽本身應用之物品。亦不知製造。處處仰給於人。充其量非將四萬萬同胞之生命。全權付於外人不甘。今在國難臨頭之時。當亦可以清醒往日之迷蒙。與今日之危險矣。故吾中醫藥界。既有完備之醫術。優良之藥物。不但在危急時期。宜自惕勵。卽在平靜時期。亦當注意。須知我國人之生命。惟國人能愛護。托庇於人。實非萬全之計。而矧更托庇於仇人乎。嗚呼。皮之不存。毛將焉附。唇亡齒寒。鄰厚我薄。須知今日之呼救工作。不僅救我東北陷於異族蹂躪之三千萬同胞。亦不僅救我東北陷於敵騎殘踏之四百餘萬山河。實救全國同胞。全國山河。凡屬國人。率宜奮鬥。我親愛之中醫藥界。其毋後人。其毋後人。

(29) 法 究 研 科 各

云。二陽之病發心脾。有不得隱曲。女子不月。其傳爲風消。其傳爲息賁。又一陽發病。少氣善欬善泄。其傳爲心掣。其傳爲膈。則雜病之治。正亦如時症之宜如珠走盤。今人有能治時病而不能治雜病。有能治雜病而不能治時病。皆未識個中真理者也。

內科爲各科之本。習瘡瘍鍼灸等科。俱能從內科入手。自然超人一等。劉河間所謂治病不求其本。無以去深藏之大患。掉眩收引。臍鬱腫脹。瘰癧諸痛痒瘡。皆根於內也。惟時病雜病。頭緒紛繁。殊難挈其綱領。作研究之捷徑。無已。特提出兩點。以爲研究者之簡訣可也。兩點惟何。一病之因。二病之所耳。凡病之生。必有其因。及其成。必有所因。因者風寒暑濕燥火七情飲食蟲蠱勞倦等是。所者心肝脾肺腎六腑氣血表裏上下等是。內經云。因於寒。體若燔炭。汗出而散。因於暑。汗煩則喘喝。靜則多言。因於濕。首如裹。因於氣。爲腫。四維相代。卽指其因。又

法 究 研 科 各 (30)

云。心脹者。煩心短氣。臥不安。肺脹者。虛滿而喘欬。肝脹者。脇下滿而痛引小腹。脾脹者。善噦。四肢煩惋。體重不能勝衣。臥不安。腎脹者。腹滿引背。央央然。腰髀痛。卽指其所。合病因病所。而始可下斷。始可立法。始可處方。蓋不易之律也。吾更明白言之。既知其病之所在。卽當求其病因爲何。如假定已知欬嗽之由於肺。卽當求其爲風爲寒爲熱爲燥。既知其病之所因。卽當求其病所何在。如假定已知三消之由於熱。卽當求其在。上在中在下。於是對的發矢。矢無虛發矣。若再明白言之。雖千頭萬緒之候。千變百化之症。爲併病。爲合病。但能執此以求。無不絲絲入扣。爲奇病。爲怪病。但能執此以尋。亦無不自有處置。此探驪得珠之法。尙信堪以取則也。

治內科必須有縝密之攷慮。潑辣之手腕。當行則行。毫無畏怯。卽孫真人心欲細而胆欲大之旨也。更須有靈敏之思想。矯捷之行動。當變則變。毫無遲疑。卽

(31)

法 究 研 科 各

吾上文如珠走盤之旨也。余嘗治新大沽路三百五十號李太太類中風。初延陸某治。因用羚羊石斛生地輩而減。於是調理一月餘。方藥無變更。漸至目花不能視。足痿不能行。胃呆不能食。病家始改延及余。余按脈搏無力。一分鐘僅六十一至。舌質淡白而有薄苔。余曰。此虛寒之象也。清陽之氣。爲重陰所遏。非改投溫補不可。用附子黨參甘杞輩。四劑而目花愈。六劑而目能視。十劑而足能行。食漸增矣。又其孫生纔九月。患病竟四月有半。始終延朱某治。認爲疳積。疊進消導藥。循至潮熱自汗。煩躁髮直。肌肉盡削。口舌起糜。余按其脈細數無序。不禁驚謂其母曰。半死半生矣。乃用大劑石斛麥冬鱉甲沙參等生津增液。囑服七劑再商。及其復來。則病去十之五六。增入西洋參人參鬚等。連進十餘劑而病退肌豐。半月之內。判若兩兒。夫此二症。當其初起。或非陸某朱某之法。不可。及其變。非改變方鍼亦不可。岐伯曰。氣增而久。天之由也。仲景曰。觀其變。

各科研究法 (32)

化以法治之。豈欺我哉。故研究內科時。第一貴能辨症。第二貴知傳變。辨症之法。莫妙於比。如腫與脹如何區別。水腫與氣腫又如何區別。積與聚如何區別。腸覃與石瘕又如何區別。層層比較。剖析毫芒。傳變之辨。如傷寒太陽傳陽明。陽明傳少陽。如何知其傳。如何知其不傳。溫病由肺傳胃爲順。由肺傳心包爲逆。如何知其順。如何知其逆。余嘗撰類症釋惑一文。按期揭載中華醫學報。即用並列比觀工夫。所謂用藥不難。識病爲難。而識病之法。舍此莫由也。

內科書籍最繁。學說最不一致。或偏於溫。或偏於涼。或偏於補。或偏於瀉。卽以金元四大家言。各樹一幟。絕不相謀。初學之時。不知其弊。勢必篤守一家。甚則終其身偏於一家而不能自拔。然而金元四大家。雖各有一偏。正各有一長。患在讀者之不能取其長耳。余欲力矯其病。故所著書。務以平正爲主。勸人讀書。不肯以一家言爲主。先使其胸中有平正之理論。有一般之方法。而後瀏覽各

醫 案 新 輯 (15)

大腸泄 周馥臣君問

(提要) 小女四歲。立秋日多食西瓜。隨食隨泄。碧清。今大便黃。日二三次。小便頻數。清黃不定。唇淡。臉白。食慾尙佳。左脈濡弱。右數。舌苔薄黃微灰。面部兼發瘡瘍。

(方案) 內經云。泄瀉不禁者。倉廩不藏也。倉廩者脾胃。脾胃者喜溫而惡寒。濕多。啖瓜果。寒傷太陰。濕留陽明。失其健運。遂生泄瀉。事非偶然。惟久瀉則大腸滑脫。雖不同於難經之大腸泄。食已窘迫。大便色白。而非溫化中焦。佐以固澇大腸。從大腸泄治。難能奏效。擬理中湯加肉果御殼。瘡瘍從末圖之。

炒白朮三錢 淡乾薑一錢 清炙草八分 雲茯苓三錢 煨肉果錢半
御米殼一錢 炒扁豆三錢 炒山藥三錢 春炒仁八分 炒苡米三錢

中消 傅佩芳君問

(提要) 女子廿一歲。患食後嘔吐酸水。服旋覆竹茹吳萸砂殼等而愈。今變易飢易餓。食不見多。月經愆前。其人身肥白。性和多疑。

(方案) 易飢易餓。病似中消。中消當善食。今食不見多。又非真屬胃家實熱矣。參以身肥白而多疑。

輯 新 案 醫 (16)

當是肝火挾濕熱停留中焦。熱動則情雜欲食。濕阻則食量難旺。肝火內洩則月事早下。治宜平肝和胃。先時之嘔吐。亦合作如是觀。

左金丸四分 鮮竹茹錢半 白蔻殼八分 仙半夏錢半 炒條芩錢半
夏枯花錢半 六一散三錢 福澤瀉三錢 廣藿香二錢 佩蘭葉錢半

■痰濕 鍾安周君問

(提要) 前年夏間多啖瓜果油膩致病。去秋復病。去冬患瘧。今春又染春溫。近來身體覺癢。胸悶多痰。大便不暢。脚有濕氣。鼻塞多涕。

(方案) 變化疊經。病情複雜。但據最早原因。及最近症候。顯屬痰濕膠結之象。肺脾交病之徵。肺有宿痰。則失清肅之令。而大氣不能磅礴。脾有積濕。則乏健運之能。而中氣不能鼓舞。姑予化痰濕而和肺脾。

淨射干錢半 白芥子錢半 遠志肉一錢 枳朮丸三錢 白茯苓三錢
福澤瀉三錢 炒陳皮錢半 大砂仁八分 雞內金三錢 蒼耳子錢半

■陰虛 胡瑞璋君問

(17) 輯 新 案 醫

(提要) 中消愈後。肛門作痛似痔。痛止又漏清水。乾欬潮熱。逐夜不休。面黃肌瘦。身軀樞僂。年僅二十歲。

(方案) 中消之後。津液大傷。餘熱留戀。肺與大腸。相爲表裏。大腸主津。肺司輸佈。熱傳於下。則爲痔漏。水熱蓄於上。則爲欬。無痰。水不足以濟火。血不足以灌漑。則潮熱肌瘦。樞僂如叟。陰虛症之重候也。內經云。治痿獨取陽明。余謂此病亦然。然亦難已。

鮮石斛五錢 大生地五錢 京玄參五錢 大麥冬三錢 生鱉甲一兩
肥知母五錢 西洋參一錢 地骨皮三錢 香青蒿錢半 淮牛膝三錢

目赤 馬善徵君問

(提要) 年屆花甲。素屬陰虛。木旺痰濕之體。平居本多目疾。近飲燒酒。目赤紅腫。翳膜遮睛。多淚視糊。口乾飲不解渴。食下易餓。脈弦數。舌邊紅中黃。疊服疎風清肝。平肝消翳之劑。已經一月。未收效果。

(方案) 目赤屬火。胞腫屬濕。翳障屬虛。濕火內蘊。肝腎陰虧。核諸平日稟賦。頗覺吻合。起于飲酒。乃其導火線耳。陰液不充。則口乾。火熱燔灼。則水不能制。食入易飢。病雖發於局部。治當清其